


嘉興府志



嘉興府志卷六十一

嘉興府知府善化許瑤光重輯

兩廡先儒

桐鄉縣

國朝

張履祥字考夫父明俊夢金仁山來謁而履祥生故名幼孤母沈論之曰孔子孟子亦是兩家無父之子只爲肯學好便做到大聖大賢爾勿自棄也稍長讀小學近思錄有得作願學記遂渡江遊劉宗周之門歸而益肆力程朱之書乃知陽明之學非是海鹽吳謙牧錢汝霖延

嘉興府志

卷六十一

兩廡先儒

一

之家塾先後出傳習錄屬評論履祥慨然曰東南壇坫西北干戈其爲亂一也生心害政釀成大患實由於此於是洞揭其陽儒陰釋之隱以爲炯鑒甲申後棄諸生隱居楊園村舍著書教授居恒雖盛暑必衣冠端坐若對賓客修已教人一以居敬窮理躬行實踐爲主嘗云三代以上折衷於孔孟三代以下折衷於程朱於朱子文集語類析疑闡微晨夕不釋手謂元明以來惟許魯齋薛敬軒胡敬齋諸書可與朱子相表裏其他不皆醇摘師說爲劉子粹言以詔來學論者謂履祥篤實宏遠軼薛胡而上之朱子後一人而已著有經正錄訓子語

王學辨備忘錄言行見聞錄近鑑楊園文集共三十餘卷學者稱楊園先生卒後數十年學使甯化雷鉉表其墓嘉慶六年縣令合肥李廷輝脩楊園村舊祠立主崇祀十六年巡撫蔣攸銛檄飭立主祀於青鎮分水書院二十二年縣令黎恂修墓及碑教諭仁和宋咸熙立祠學宮之偏道光四年巡撫黃梅帥承瀛疏請入祀鄉賢祠奉

旨依議其明年立主入祠崇祀

參陳梓撰傳祝佺淑艾錄序蘇慎元撰年譜

同治九年學臣徐樹銘會同撫臣楊昌濬奏照浙江嘉興府桐鄉縣鄉賢張履祥字考夫明諸生世居楊園村

嘉興府志

卷六十一

兩廡先儒

二

學者稱爲楊園先生平生學問專務居敬窮理躬行實踐不託空言一以闡閩濂洛爲宗著有楊園全書三十四卷該先儒之友烏程凌克貞嘗稱其德器溫粹仰質先聖其揆一處洞悉無疑餘姚陳梓以爲該先儒純粹如敬軒而窮研洞悉謹飭如敬齋而規模宏遠海甯祝淦稱其爲學一循孔門博文約禮敬義直方之則以仁爲本以修己爲務以中庸爲歸有以正後儒偏詖之趨而續古聖微茫之緒蕭山朱坤亦稱其邃密似薛文清篤實似胡敬齋前副都御史臣雷鉉以爲接薛胡之正脈契濂洛之正傳實先陸清獻而真知允蹈者案明儒

群瑄胡居仁皆以抗心濂洛從祀

孔庭

國朝先儒陸隴其亦以力崇程朱正學祔

昌平之俎豆該先儒張履祥溫粹從容精密純正光輝篤實力正後儒偏詖之趨晦蝕之道賴以復旦洵有以接辭胡之學脈開陸氏之先聲而篤志程朱立身端直持論醇正見之

欽定四庫全書提要立身行已無愧眞儒已荷

聖明之鑒察則古師先一衷正學復叨

定論之褒崇洛閩之遺緒克承鄒魯之嫡傳不替以之祔祀

嘉興府志

卷六十一

兩廡先儒

三

文廟實足以昭

聖朝崇儒重道之至教等因奉

旨禮部議奏欽此欽遵十年十二月禮部覆奏查張履祥字考

夫居桐鄉之楊園村幼喪父其母訓之成立且諭之曰孔孟亦是兩家無父兒止爲肯學好人便成大聖大賢爾勿自棄也遂專力于孔孟之學及甲申後閉戶潛修嘗云三代以上折衷于孔孟三代以下折衷于程朱所著有經正錄願學記問目備忘錄初學備忘學規訓子語答問門人所記言行聞見錄近古錄近鑑喪祭雜說農書等書嘗言聖賢用心要使天地間物物各得其所

學者須從此起念方有成就又曰爲學自不欺始不欺
自親長始嘗訓學者舍稼穡別無治生之道能稼穡則
無求于人而廉恥立知稼穡艱難則不敢妄取于人而
禮讓興其所言不越乎人倫日用之常而念慮所存恒
周乎天下後世實足與經傳相發明臣等詳閱全書其
經正錄一冊蓋示人以小學之基而漸臻于大學之域
願學記問目備忘各書則博學審問慎思明辨篤行之
功寓焉至訓子語答問及門人所記則因材之篤也見
聞錄近古錄知取善之宜廣近鑑示遠惡之宜先喪祭
雜說示人以重本敦倫之義至農書一冊尤惓惓以農

桑爲急務所爲正德利用厚生者不過是也臣等覆加
詳覈先儒張履祥祖述孔孟憲章程朱立論不尙高遠
行事頗近中庸洵足羽翼聖經維持名教與僅據空言
率請從祀者有閒臣等公同酌議擬如該學政所請准
以先儒張履祥從祀

文廟其位次在東廡先儒孫奇逢之次等因同日奉

列傳

桐鄉縣

明

石朝用以元進士仕爲廉訪使無子卒葬濮院鎮西濮鎮

巨姓至今相傳燕雷濮石云

新補纂

楊述字宗道永樂癸卯領鄉薦第一授宜興訓導陞監利

教諭分校四川福建鄉試稱得人景泰間擢遼府長史

勤於輔導遼王書公正二字賜之著有蘭谷集

徵獻錄參袁志

仲端字惟正六歲喪父力學有年中永樂九年舉人入國

子監積分授湖廣隨州知州恤窮達隱民甚德之逋寇

嘉興府志

卷六十一

桐鄉列傳

五

丁朝龍聚衆流劫詣闕待罪尋丁母憂服除補南直隸

廣德州知州致仕卒楊述稱其在官任德去刑舉動務

存大體所至有遺愛

新補纂

沈榮字希仁正統甲子舉人歷禮部主事改工部左遷四

川都司經歷巡撫王浩特疏舉之歷陞廣東韶州知府

慈和愛民粵之人頌其德不衰

徵獻錄參吳志

王濟字伯雨號雨舟晚號白鐵道人諸生入太學授廣西

橫州判官攝州事悉其習俗利病設施皆當州故多盜

自濟至戶可不閉采其風俗與故鄉異者爲一編曰日

詢手鏡中多預商禦邊之策事後人服其先見以母老

乞歸與僉事龍霓太白山人孫一元尙書劉麟詩酒相
徵逐爲崇雅小社皆一時知名士

徵獻錄參吳志烏青文獻

于恭字克敬貢生景泰中任武岡州判解餉赴都道逢土

寇力戰死子思遜得凶問一慟而絕

桐鄉志徐志

楊青字士昂遼府長史述子青自幼有才思警敏過人景

泰辛未進士桐鄉分縣甲科自青始由庶吉士遷禮科

給事中歷掌南京吏禮二科事尋召入掌刑科陞河南

僉事奉敕總理軍民招撫流移多所康濟以勞卒於官

趙讓字元遜宋宗室丞相汝愚之後成化乙未進士授松

滋知縣愛民下士百廢具興擢刑部主事歷員外郎出

知南甯府有惠聲子萱字慈佩宏治壬子舉人官國子

監助教

以上徵獻錄參袁志

譚鎧字體仁宏治甲子舉人任泉州推官平易近民折疑

獄若有神助暇輒彈琴賦詩無聲色貨利之好歸田纂

桐鄉縣志

泉州府志參桐鄉徐志

邱焱字朝勝嘉靖甲午舉人授江陵知縣時盜賊蜂起白

晝焚掠焱發兵捕之盜莫敢入境百姓祠祀焉陞均州

知州以不合上官意挂冠歸舟過張家灣遇盜數百將

要而殺之以舒積憤其僕盛恩進曰盜所欲得者主君

也主君身膺民社不可死非命恩請以身代焱不可恩

已服褻冠服效漢紀信故事褻得脫乃歸其尸禮葬之

桐鄉
徐志

祁鯨字國升嘉靖乙卯舉人禔躬修整敦厲實行每邑宰初蒞任必以禮見後則絕跡公庭未嘗私謁

浙江通志
參徵獻錄

王三錫字汝命以嘉興籍中嘉靖癸丑進士任保定府推官丁憂歸居桐鄉適倭寇數萬至參將宗禮軍覆阜林巡撫阮鶚移鎮邑城賊首徐海陳東等圍攻甚急鶚同知縣金燕召集紳士議守禦三錫散千金懸賞格募敢死士夜出劫賊多所斬獲海製雲梯二座夜牽其一於城下焚之其一傍北水門樓高於城數尺有沈鐸者以

嘉興府志

卷六十一

桐鄉列傳

七

計破之

鐸另有傳

時又有董泉者城中燭盡從間道出取之

警禦四十餘夜賴以支給賊盛爲樓櫓撞竿以撞城城幾壞居民朱姓者爲緝索以挽竿賊技窮

參徵獻錄
禦倭紀事

濮文起字三槐諸生有謀略總督胡宗憲就問所以禦倭

者因出金帛餌賊首徐海愛妾紫雲始解圍東屯乍浦

又令妓翠翹碧桃蠱海乘間攻之海溺水死宗憲欲題

用固辭卒祀本邑忠義祠

徵獻錄參
禦倭紀事

錢貢字時雍嘉靖壬戌進士授新建知縣建置學宮調劑

驛遞僉聯稅甲里豪有圖併他人墓地者給使發塚而

陰搆其事於官坐以重辟貢廉得之重罪豪釋寃者內

擢工部主事出榷蕪湖以應稅者榜示躬批籍月上之
裁抑浮費以艱歸服闋補工部郎中漕漕渠營穆陵有
功加四品服轉刑部

袁志吳志參徵獻錄復
參拳勺園小刻新補纂

沈鏵字東溪嘉靖時倭寇攻城倉卒被圍時鏵寓邑中僧
舍揚言曰欲退賊何必張皇巡撫阮鶚聞之奇其語訪
於鏵鏵令戶出爨釜募工鎔汁視賊圍疏處彙大木以
巨索綑給雉堞外待賊薄城則斧斷巨索聲震如雷寇
譁傳城一隅摧蟻集其下卽引鐵汁雜火藥灌灑之寇
盡殲功成鶚手書退寇全城四字榜其廬薦於朝授百
戶不就隆慶間從祀宗禮祠

新補
纂

王胤昌字永叔父三錫見武略傳胤昌中萬曆十九年舉
人授貴州思州推官陞貴陽府同知會奢甯叛據永甯
永甯貴陽屬也胤昌度兵寡難拒自誓必死乃以印及
錢糧冊遣吏間道歸上官亡何賊來索印胤昌焚香北
拜入署縊死事聞給祭葬贈光祿寺卿世襲錦衣衛千

戶

新補
纂

鍾繼元字仁卿窮經博古尤精於易嘉靖壬戌進士授安
福知縣擢刑部主事陞湖廣僉事清屯伍整飭政備極
心力以勞成疾卒於家著有易準易原易竅易考畫前

錄渾象析觀諸書

浙江通志參
兩浙名賢錄

錢守之嘉靖時由掾吏歷仕至山東高唐州州同所至以

廉幹稱百姓呼爲青天

新補纂

施乾字一元濮院人曾祖茂永樂初以楊任姻黨遣戍武清衛父容業醫萬厯初赦歸乾少愿樸不好弄嘉靖中以歲貢授懷遠訓導遷陵縣教諭終濮州學正生平慎取與辯析名義諸弟子翕然向化在濮時監司檄署平陰縣事固辭不獲稱疾乃已陵縣人服其清介爲立碑

學宮卒祀鄉賢

濮川志參劉志

李樂字彥和青鎮人隆慶戊辰進士知新淦縣初謁郡守聞者驕蹇杖之而後以聞淦賦煩重乃申請畫一民便

輸納捐俸市穀實倉以備賑貸擢禮科給事中上科場積弊疏劾順天府府尹孫一正乃倚張居正爲座主者竟勿能底復改吏科剛正不撓雖一頓一笑不以假人出爲福建按察司僉事歷江西廣西參議所至潔已愛民重懲墨吏而順昌知縣王九皋以廉被訐力爲申辨拜尙寶卿乞假歸築拳勺園奉母性儉約朝服皆以布爲之人以爲矯勿顧也居鄉留心民瘼時以利弊告司牧多改容受之未嘗一語及私直指彭應參顏其堂曰眞君子著有金川紀略見聞雜記烏青志卒祀鄉賢

浙江

馮孜字子漸少孤力學性孝友隆慶戊辰進士觀政都察院授南直隸太倉州知州禁奢侈鋤豪強絕請託會倭警屬邑崇明當其衝設防守險悉中機宜內轉刑部員外郎闡校憑依把持軌法孜秉公不爲細尋以郎中恤刑江西獄多平反覆命稱旨擢河南按察司副使整飭河北兵備孜爲備芻積粟校士練兵晉福建布政使參議時流賊嘯聚廣里山負固肆劫孜出奇設伏盡殲之累升湖廣左布政使益釐剔諸積弊以清操自勵值修建大內急徵材湖廣孜瀝陳民困財細疏十餘上地方始得不擾尋以疾乞歸著有古今將略行世又有明刑

錄明儒錄要

參明史藝文志徵獻錄新補纂

陸堦字允升萬厯丙子舉人授羅山學官却諸生餽貧者資助之陞石埭知縣窮懲里胥積弊清節自甘及卒囊

無餘財祀鄉賢

劉志浙江通志參徵獻錄

陸吉字謙六萬厯壬午舉人知高密縣凶歲民逃亡過半吉蒞任未及五年招復流移一萬八千餘人開墾田七千餘頃擢昌平州昌平地寒令民廣植木棉教紡織爲布民賴以安有守陵中官倚大璫勢擅殺人吉再揭撫按不省竟撲殺之坐是落職璫敗以知府召不起吉性與物多忤然諒直無汚狗子孫世載其德焉崇祀高密

昌平名宦及鄉賢祠

徵獻錄
參吳志

沈蒸字華東萬厯癸未進士授亳州知州擢兵部郎中出爲福州知府厯陞應天巡撫操江都御史所至刑清訟簡剔奸吏侵漁糧稅士貧乏者捐俸賑之厯官三十餘年田廬不踰中人猶承祖父之舊業云沒祀鄉賢

分省人物

考參

吳志

錢夢得字國賢貢之子萬厯癸未進士授鄢陵知縣擢山西道御史厯巡陝西北直廣西按部嚴明搜奸剔弊人呼直御史陞大理寺少卿內艱服闋起右副都御史巡撫河南告歸沒賜祭葬子允康貢生雲和教諭

分省人物考參

嘉興府志

卷六十一

桐鄉列傳

士

徵獻錄

夏燭字汝翼青鎮人父儒見孝友傳燭萬厯乙酉年進士知冀州擒治豪猾市粟備賑課最擢刑部主事厯郎中忤璫意謫貴陽府通判巡撫郭子章喜燭至倚爲左右手會黎平皮林苗倡亂朝議黔楚會勦燭以皮林界連楚粵九股苗與之脣齒請身入九股宣威德使反正乃單騎深入曉諭酋長夕斲睡帳中明日令導厯諸寨卒感動諸寨苗椎牛立誓願納土受約束凡平寨七十有四得戶二千四百有奇歲徵糧四百餘石皮林失援遂破之泰昌初起工部郎中樞蕪湖關稅務處膏不潤以

廉平間詩境高澹有王孟遺意

新補纂

沈思充號遂庵萬厯丙戌進士初任工部主事轉雲南提學道厯陞江南臬副上疏論國本宜早定再疏罷薪供耗費外官論事自思充始人皆壯之

吳志參桐鄉徐志

朱大雅字元渚萬厯己酉舉人知祁門縣有監生某爲人誣訟前令以其家饒出之恐汚己名獄久未決大雅至立釋之數日生來謁曰某有佳墨數圭欲以奉公受之諸子取墨磨視則赤金也以白大雅大雅召生責之曰我所以出汝者以我素廉謹不畏人議故也今反以相汚耶擲還之入爲大理評事有權關橫征者大雅疏劾

嘉興府志

卷六十一

桐鄉列傳

三

之子萬錡有傳孫彝字聲始崇禎辛巳進士

徵獻錄參浙江通志

徽州府志

沈雲從字景日父照詳孝義雲從萬厯己酉舉人厯裕州

知州山峻險賦額荒十之三雲從徧厯山谷凡石田不

毛者繪以上聞得除額轉陳州陞池州同知殲除巨盜

二十五人所在稱循良子錫別見

吳志參桐鄉徐志

施爾志字章甫乾之子萬厯壬辰進士授太平府推官多

雪冤滯有女囚報決所攜兒號愴欲絕爾志憐之請緩

決俟兒長就法陞刑部主事累遷雲南左布政是時黔

蜀用兵滇界其中轉輸無匱卒於家子博諸生精易理

詳秀水文苑

徵獻錄

張大紳字元修萬厯間拔貢生授澄邁知縣勦捕海寇民賴以安遷甯州知州九州道王季重贈詩云捍盜但聞樓上鼓不貪沈盡浦中香又云堂上祇應羅鳥雀車前原不問狐狸蓋有所指也

吳志參烏青文獻

莊有翼字慎予萬厯間貢生任祁門主簿遇有上官委訊必委曲得其情不輕施刑擢楚府長史

祁門縣志

濮師灼字見湖濮院人少襲外家姓周氏力能舉百鈞萬厯中授廣東游擊捕盜有功進都指揮使太倉王世貞贈詩云緩帶諸生談碣石飛書一箭下扶桑洵實錄也

嘉興府志

卷六十一

桐鄉列傳

三

新補纂

錢允鯨字長卿貢之孫天啟壬戌進士授保甯推官厯陞南京兵科給事中劾周延儒馮銓溫體仁三輔臣權貴側目遂罷官溫體仁敗詔起左江道時方用兵持論忤督師楊嗣昌乞歸所至以清慎自持

徵獻錄參吳志

陸日新字文蘭爲諸生時家貧嘗拾遺金於道俟其人還之當歲薦以次名齒高讓其先貢後授本省嚴州教諭培植多士去官後崇祀嚴陵名宦祠

新補纂

陸懋元字生甫日新子天啟乙丑進士由行人厯陞黔南道監理軍務時峒獠梗化攻掠城邑設計擒其渠魁事

聞擢湖廣布政使參政降補僉事致仕歸歷官二十餘年家無贏資

朱邦祈字二元天啟乙丑進士授荊州推官內擢禮科給事中轉兵吏居諫垣六載所奏俱國家大政有清直聲少孤奉母以孝聞

以上徵獻錄參吳志

沈宏度字公雅天啟甲子舉人性孝召漆工爲父治棺長跪禮之母愛長孫爲其兄子卽以腴產厚分之時有盜白晝劫掠人情惴惴宏度與孔自洙潘之章大集里民兜勦佐以千總楊得功盛陳兵仗於密印寺中賊聞駭散索得數十人縛而沉諸水賊首王秀甫脫去賂當事

金將坐以擅殺宏度爲戎首後得免卒後十年授衡州府推官著有五願齋詩稿容餘軒詩畏吟小草藏於家

烏青文獻

陳素字涵白崇禎甲戌進士詩文清勁有法爲時傳誦知直隸開州丁憂服闋補南直泰州歲旱蝗饑僅存半題請截留漕糧賑恤待麥熟收兌有黃雲陸舜者素考校時所拔士也素後以事繫獄雲售田得百金以周其急與同臥起囹圄中事白偕出李闖陷巢廬等處卽棄官歸縞衣綦巾自稱天山道人創正心書院嘉惠後學康熙時卒舜爲兩浙提學使聞訃號哭至哀感行路奉其

主祀於鄉

桐鄉徐志參今世說

沈方初名士端字彥方更字大愚弱冠與兄給事士茂文名相峙依兄京邸天啟間璫焰熾甚知方名招一往見許得美官遂拂衣歸中崇禎己卯副榜授荆門州同知流賊李自成羅汝材合兵四十萬從間道至白馬渡臨江而陣方下車數日巡按宋一鶴知其才檄調赴黃陂賊左革六營自鳳皖西上犯黃安會大雨江湖泛溢方以舟師破之一鶴欲留方軍中而賊決河灌汴秦督丁啟睿師潰川兵二萬應調過荆門知州事者以疾去方乃馳還攝州事詣蜀帥勞師汝寧陷賊悉力攻荆門諸城望風瓦解方獨據城守賊衆大至城陷方率民兵巷戰力竭被執欲降之不屈殺之家口十八人同日遇害國朝乾隆四十一年

嘉興府志

卷六十一

桐鄉列傳

五

賜諡節愍

大清一統志浙江通志勝朝殉節諸臣錄參徵獻錄烏青文獻

欽定

金夢麒字甯所以掾吏任靈壁縣丞官滿將去值流寇攻

城甚迫夢麒守城待援兩月兵不至城潰死之又鍾廷

耀字二含亦以掾吏任廣東靈山縣丞遇難死

濮川紀略

吳重光粗知書好義任俠初爲衙胥衆剖與例錢告以所

自擲諸地唾曰此孽錢也安所不得一碗飯乃從地獄

中覓食耶自是絕足不入官崇禎甲申春重光挈弟往

鄉理蠶務聞燕失守棄蠶入城問京城壞然否衆曰七日矣皇帝奈何曰與城同壞遂仰天號曰一至此乎小人革命遙伴皇帝死足矣作數字押硯底自縊死柯鄉志
沈日新字銘齋天資忠孝崇禎間任南直隸采石磯巡檢遷江西極高司巡檢解糧南畿路次九江遇左良玉兵變被劫以刀脅從不屈旁一卒曰此義士也以計脫之歸蔬食終身隱居不仕新補纂

國朝

沈錫原名元錫字仲韋雲從子前明崇禎癸未進士由行人任廣東督糧道參議時疫癘盛行廣施醫藥歲饑爲

嘉興府志

卷六十一

桐鄉列傳

六

粥以食餓者全活甚衆祀鄉賢

桐鄉志

鄭禹銘字惺卿前明崇禎間貢生由餘杭訓導爲清遠知

縣奉檄協勦連陽石馬等峒創造水西城垣令民開荒

土作田陞平樂同知

烏青文獻

朱萬錡字潔湘大雅子前明崇禎丙子舉人順治間任德

清教諭講程朱之學爲正誼社以課士士彬彬化之陞

樂陵知縣卒於官著有歸來日注惠風堂集

德清縣志

張貞侯原名璣字曾元青鎮人順治丙戌舉人選昌化縣

教諭捐俸具筆研飲饌集諸生課之一月凡六舉每舉

必有擬作以示程式士風由是不變戊戌成進士授安